

CUSSEGL GROND

Sessiun da favrer 2023

Dumonda Morf concernent la consequenza da las migrantas e dals migrants sin il sistem da sanadad chantunal

L'onn 2022 èn ca. 200 000 persunas immigradas en Svizra. Tut en tut vivevan il cumenzament dal 2022 ca. 2,2 milliuns persunas estras en Svizra, quai che corresponda a ca. 1/4 da la populaziun totala. L'immigraziun ha consequenzas sin bunamain tut ils secturs da nossa societad, uschia er sin la politica da sanadad chantunala.

Concernent l'immigraziun ston ins far las suandantas dumondas (persunas estras immigradas cun emprim domicil en il GR, senza turistas e turists):

1. Quantas persunas estras immigradas senza assicuranza da malsauns svizra vegnan tractadas per onn en noss chantun e quant auts èn il custs per ils fatgs da sanadad che resultan qua tras?
2. Chaschuna l'immigraziun ina chargia finanziaria supplementara per il sector da sanadad chantunal u vegn quella gulivada tras las taxas da la cassa da malsauns pajadas da las migrantas e dals migrants?
3. Quant auta è la cumpart media da persunas estras sin las staziuns d'urgenza da noss chantun?
4. Quant auts èn ils custs che resultan per visitas da persunas estras sin staziuns d'urgenza ed en tge proporziun stattan quests custs cun ils custs che Svizras e Svizzers chaschunan sin nossas staziuns d'urgenza?
5. Datti en noss chantun tractaments che vegnan duvrads pli savens da tschertas gruppas da persunas estras che da Svizras e Svizzers?
6. Quants cas èn enconuschents en noss chantun da persunas estras che han refusà in tractament tras medias e medis da l'autra schlattaina?

Cuira, ils 15 da favrer 2023

Morf, Metzger, Dürler, Adank, Bundi, Candrian, Casutt, Cortesi, Della Cà, Gort, Grass, Koch, Krättli, Menghini-Inauen, Rauch, Roffler, Salis, Sgier, Städler, Weber